

Oz è la Notg digl baralot



AVREGL

 Schweizerische Eidgenossenschaft
Confédération suisse
Confederazione Svizzera
Confederaziun svizra

text: Chattrina Josty, illustraziun: Yvonne Giènal,
grafica: Theres Jögger
© Lia Rumantscha

KIDSFITSCH
Lia Rumantscha

Uffiz federal da cultura UFC

La Notg digl baralot

Chest meis dattigl betg en de spezial, mabagn ena notg speziala! La notg digls 30 d'avregl sen igl 1. da matg. Ella vign er numnada «la Notg digl baralot».

Pi bod ins scheva tgi las streias vignan ansemen chella notg per saltar e far legher. Damai per far en dretg «baralot». Canoschas te l'istorgia dalla streietta? Ainten chella vogl er per la Notg da baralot. Er la streietta vess salto gugent chella notg cun las streias grondas. Ma ella ò ossa pir 127 onns e percheigl la peglian las streias pi viglias betg seriousa. Damai tgi ella n'è betg anc ena streia gronda, vot ella esser aglmanc ena buna streia e striunar angal digl bung per igls carstgangs. Chegl plai dantant betg allas otras streias. Da streias dattigl bleras istorgias, per

exaimpel istorgias da fantascheia scu chella dalla «Streietta» dalla streia «Lili» u da «Bibi Blocksberg». Da streias dattigl pero er istorgias tgi èn veiras e fitg trestas. Pi bod ins numnava tschertas donnas «streias» percheigl tg'ins carteva tgi ellas fetschan nosch cun igls oters. E percheigl ins ò tracto chellas donnas fitg mal. Per cletg èn chels taimps passos e la Notg da baralot totga a chels tgi vottan festivar la fegn digl anviern e l'arrivada dalla premaveira e passantar ena notg en po misteriosa cun enqual «abracadabra» e «simsalabim!»


Canoschas te l'istorgia dalla streietta?

- Otfried Preussler, Winnie Gebhardt-Gayler
La streietta
Leia Rumantscha, 1991
Da retrer sen www.liarumantscha.ch

Tge istorgias da streias
canoschas te?

Canoschas te otras festas
da premaveira?


Tgenegn è igl ties usit preferia?




Ideias per ena Notg da baralot

1

Pertge betg far en'atgna Notg da baralot? Cò en pêr ideias tgi te pudessas realizar cun igls ties genitours e las tias ameias streias ed igls ties ameis striuns!



té da streias
Per far en té da streias cotschen,
laschas coier ava, fast en té da fretga
u da froschas ed agiuntas anc en po
suc d'oranschas da sang, chegl dat
ena bela calour!




vistgadeira da streias
Forsa tgi tia tatta ò anc vistgadeira
(rassas lungas, blusas, tgapis
e calzars) da pi bod? Dumonda, schi
ella ampresta la vistgadeira per ta
transformar an ena streia!

versets da striunar
Amprenda ordafora en verset da
striunar. Te cattas versets da striunar
sen las proximas paginas.

en fi

Fò en fi or agl liber ansemen cun ena persunga carscheida (schi chella è ancletga). U forsa vez ena cuppa da fi ainten curtgign. Igl fi serva per dar tgod e per saltar anturn el!



scua da streias
Varda sen las proximas paginas, scu
tgi te sast far tez u tezza ena scua
da streias

soppa da streias
Cun ageid d'ena persunga carscheida
taglias te rischmelnas, tiffels e selle-
rign (u otra verdura tenor gost).
Agiunta buglion e lascha coier la
soppa circa 30 minutas.
Chella soppa pudez tigneir a tgod e
schi lez, pudez anc agiuntar liongias
20 minutas avant tgi las sarveir.
Forsa vez perfign ena padela gronda
per far la soppa sen en fi.

canzung dalla streietta Irma
Canta la canzung dalla streietta Irma
Te catta igl text e la melodia sen las
proximas paginas.



Brainta, brainta neira,
brainta totta seira
tgappa lezza streia
tgi stat an mesa veia,
la stat sensom la ttaglia
e fò navot da vaglia.

Sitaratta, strign per tatta,
strign per tatta lainsa far.
Sitarat, strign per tat,
ia sa gio striunar.

Hi hi hi ia sung la streia Cargolax
e fatsch betg dei fali falax
bocani bocano e gio ist striuno.

Buna seira streia neira
ast betg gugent pang cun peira.
Te ast maglea navot
ed igl è resto anc tot
Rumplarot, Rumplarot,
oz faschainsa baralot.

Ervalina, ervafina
ia sung l'Erviestina
ervalir, ervalar
i'sa oss striunar

Solt dallas streias
Zap da streia, zap da streia
Tgi vot far en'asnareia,
tgi vot far ena saltada
e sessour dar ena givlada


Gi: Sa metter se an en rentg ed eir a sanester
cun cruschar la tgomma sanestra davant
la dretga ve. – Eir anturn agl li e turnar cun
l'igleida vers igl centrum – Tot las streias
dattan en givel

Canzung dalla streietta Irma 4

m/t: P. Flepp

1 Tge cal-zers, o hei-sa-sa,
 2 Igl vis-tgi', o hei-sa-sa,
 tge lun-ghe-zza, tra-la-la-la-la,
 è plagn scrot-tas, tra-la-la-la-la,

igls tga-vels èn verds scu'n rostg ed igl nas è grond scu'n urs.
 cun la scu-a via-di fò, gi-vla, sbri-gia, hei-sa-sa.



Igls unfants aint igl rentg cantan e mossan: igls peis gronds, igls tgavels, igl nas e. u. a.

En unfant è la streietta e vo anturn aint igl rentg. Ella ò aint calzers gronds da calour. Cura tgi la canzung è fittada, fò ella «hä-hää-ha» davant en unfant – chel è ossa la streietta (midar igls calzers). Ins pudess er dar instrumaints agls unfants (p. ex. lenns, sgreztga radonda, sgreztga a mang) u er splatscher cun igls mangs. Cura tgi meida streia, vignan midos er igls instrumaints.

Scua da streias

5

Te dovras:

- romigns da badogn, ca. 50–60 cm lungs
 - en bastung gross u en moni d'ena scua
 - feildarom
 - corda
- 1 Rimna frastgas per tgi te possas far en grond puschel cun en diameter d'aglmanc 10 cm. Fò igl ampren munts pitschens cun las frastgas. Metta igls romigns l'egn sen l'oter, uscheia tgi las parts grossas stattan bagn ansemen.
 - 2 Peglia ossa igl bastung u igl moni dalla scua e piazza igls romigns uscheia, tgi vo d'igls metter regular- maintg anturn igl bastung ed igls fixescha cun feildarom. Chegl dovrà blera forza – lascha far chegl ena persunga carscheida tgi ò aint gants.
 - 3 Cura tgi tot igls romigns èn farmos bagn ve digl bastung, post te piglier ena corda e la liier anturn per tgi tot tigna.
 - 4 Ossa para chegl dad esser ena scua per scuar las veias – scu davainta ella propi la tia ? Peglia plemas e pedras per la deco- razion – ossa dattigl ena scua per streia e striun!

